

Fijian - Gagadre Vola Tabu - Lust Scriptures

Lako Yani 15:9 Sa tukuna na meca, 'Au na cici muri ira, Au na tabaki ira, au na wasea na i toki ni valu; na noqu gagadre ena vakacegui mai vei ira, Au na taura na noqu sele i wau, Na ligaqu ena vakarusai ira.'

Lako Yani 18:21 "Mo raica, na nomu digitaka mai vei ira na tamata, na tamata e kila na ka, o ira sa rerevaka na Kalou, tamata ni dina, cata na kocokoco; me ra mai veiliutaki vei ira na udolu, veiliutaki vei ira na drau, veiliutaki vei ira na limasagavulu, kei ira na veiliutaki vei ira e lewe tini.

Lako Yani 20:14 "Mo ni kua ni cakava na veidauci.

Lako Yani 20:17 "Mo ni kua ni kocova na vale nei wekamuni; Mo ni kua ni kocova na watina na wekamuni, se na nona dauveiqravi na wekamuni, se na nona manumanu se dua ga na ka sa nona na wekamuni."

Na Kedra I Wiliwili 11:4 la o ira na lewe vuqa era tiko veiwaki kei ira era sa tagi vakadomoi levu; era sa qai tagi talega na Isireli ka tukuna: "O cei e na solia vei keimami na lewe ni manumanu me keimami kania?

Vakarua 5:21 'Mo ni kakua ni butakoca se kocova na watina na wekamuni; mo ni kua ni kocova na nona vale se veiteitei se nona dauveiqravi tagane se yalewa, se nona manumanu susu, se dua ga na ka sa nona na wekamu.'

Vakarua 12:20 "Ni sa vakalevutaka na nomuni yalayala ni vanua, me vaka sa yalayala ki na vei kemuni, o ni na tukuna ki na, me'u kana leweni manumanu mada, baleta ni o ni sa via kana lewe ni manumanu, mo ni kania sara vakalevu na lewe ni manumanu.

Vakarua 22:22 "Kevaka sa kune ni dua na tagane ni rau sa veimoceri tiko kei na dua na yalewa vakawati, me rau qai vakamatei ruaruaOo koya na tagane sa mocera na yalewa kei na yalewa sa moceri; me kautani kina na ka ca e Isireli.

Josua 7:21 "Au sa raica ena kedra maliwa nai toki ni valu e dua nai sulu vakapapiloni, e ruanadrau na sikele siliva, e dua na tiki ni koula sa limasagavulu na sikele. Au sa kocova ka taura me noqu. Sa tu ga oqori, ka vunitaki tu ni sa bulu tu ena loma donu ni vale, sa tiko era na siliva."

Same 10:3 Sa dau dokadokataka na gagadre ni yalona na tamata ca, sa dau vosavinakataka na kocokoco, ia sa beca na Kalou.

Same 78:18 Era sa vakatovolea vaka ca na Kalou ena yalodra, ena nodra kerea vakadokadoka na kakana.

Same 78:30 Sa sega ni kautani na nodra kusikusima; la, ni se tikoga na kakana e gusudra,

Same 81:12 Au sa soli ira yani me vaka na yalodra kaukauwa, me ra muria na ka era sa lewa.

Same 106:14 Na nodra dodomo ca sa levu ena vanua liwa, era sa vakatovolea vaka ca na Kalou ena vanua dravuisiga.

Same 119:36 Mo Ni vakota na yaloqu ki na Nomuni tukutuku, ka me kakua ki na kocokoco.

Vakaibalebale 1:19 Sa vakakina, na nodra i valavala kecega me ra kocova na ka sa sega vei ira.

Vakaibalebale 6:25 Kakua ni kauta ki yalomu na kena i rairai vinaka se mo vesuki ena rai ni matana.

Vakaibalebale 15:27 O koya sa kocova nai yau sa vakacacana na nona vale vakataki koya. O koya sa cata na veivaqumi ena bula.

Vakaibalebale 21:25,26 Na nona gagadre na vucesa sa vakamatei koya ga, ni sa sega ni via cakacaka na ligana. 26 Na kocokoco sa kocokoco ga, ia na tamata yalododonu sa dau solia me oti sara.

Vakaibalebale 28:16 Na i liuliu sa sega vua na yalomatua, sa dauveivakaocai, O koya sa cata na kocokoco, sa bula vakadede.

Aisea 56:11 Io, era sa koli kocokoco ka sega ni bau mamau rawa. O ira oqo nai vakatawa ka sega ni kila ka rawa; era sa dui goleva ga na sala sa dodonu e matadra, era sa dui sagai ira ga me ra tiko vinaka, e na nodra dui vanua era tiko kina.

Aisea 57:17 Au a cudru ka vakamavoataki koya ena vuku ni nona ca kei na kocokoco, ka sa suka lesu tale yani o koya me muria na dodomo ni yalona.

Jeremaia 6:13 "Ni ra sa daukocokoco kecega o ira na tamata wale kei ira na turaga; Ka ra sa cakacaka vakailasu kecega na parofita ka yacovi ira talega na bete.

Jeremaia 22:17 "Ia na matamu kei na lomamu sa goleva ga na nomu kocokoco, kei na vakadave dra sa sega ni cala, kei na veivakasaurarataki, kei nai valavala kaukauwa mo cakava."

Jeremaia 51:13 O iko sa tiko e dela ni wai levu, ka sa vutuniyau, sa qai yaco na kemui otioti, sa yalani na nomu kocokoco.

Isikeli 6:9 "Ia o ira vei kemudou sa bula, era na nanumi au mai veimatanitu era na kau vakabobula kina, Ni'u na musuka na lomadra dauyalewa, sa lako tani vei au, kei na matadra, sa dau gole vakaca ki na nodra matakau; ka ra na vakasisilataki ira e na vuku ni ka ca era sa cakava e na nodra i valavala vakasisila kecega.

Isikeli 14:4,5 "O koya oqo mo vosa vei ira, ka tukuna vei ira, 'Sa tukuna vakaoqo o Jiova na Kalou; "Na tamata yadua ni vuvale i Isireli sa vakaduria na nona matakau e na lomana, ka biuta e matana na ka e vu ni nona tarabe ki na caka cala, ka qai lako vua na parofita, oi Au o Jiova Au na sauma vua sa lako mai, me vaka na levu ni nona matakau, 5 "Ka Me'u na vesuka na vuvale i Isireli e na yalodra, ni ra sa vuki vei Au o ira kecega e na vuku ni nodra matakau.""

Isikeli 22:12 "Era tiko vei iko na dau taura nai lavo ni veivaqumi mei sau ni nodra vakadave dra; ka o sa taura na ka e kerei vata kei na kenai kere e sivia; o sa rawata mai vua na wekamu na tubu ena nomu taura vakaukauwa na nodra i yau, ka o sa guilecavi Au," sa tukuna na Kalou o Jiova.

Isikeli 33:31 "Era sa mani lako mai vei iko me vaka era dau vakayacora na tamata, ka mai dabe e matamu me vaka ni ra Noqu tamata, ka ra vakarogoca na nomu vosa, ia era sega ga ni cakava; ni ena gusudra era vakaraitaka na levu ni loloma, ia na yalodra e vakasaqara na ka me nona ga.

Osea 4:12 Era sa kerei vakasala na noqu tamata vua na nodra matakau Ceuti, sa qai vakadewataki mai vei ira nodra matai lawalawa vata, o ya na yalo ni dautagane sa vakavuna tiko nodra lako sese, ka ra sa veisaqasaqa tiko kei na nodra Kalou ena bula ni dautagane.

Osea 5:4 "Era sega ni lewa rawa nodra i tovo, ka sega kina ni rawa mera lesu vua na Kalou, ni sa tiko na yalo ni dautagane kei na dauyalewa vei ira, sa yali kina vei ira na kilai Jiova.

Maika 2:2 Era kocova na vei vanua me ra taura, ena i tovo kaukauwa, era yanaraka na veivale, ka vakasaurarataka na kenai taukei, kei ira kece na veiweki vata.

Neumi 3:4 Ena vuku ni kena sa levu na dautagane kei koya e tiko vinaka me dautagane talega. Kei na so talega vei ira na marama era vakayaco ka mana ena sala butobuto. Ka era volitaka kina na vanua vei ira na vulagi ena sala ni dautagane kei na vuvale mera vakacalai tu ena daucaka mana lasu.

Apakuki 2:9 "Ena ca o koya sa kocova nai yau me rawa kina na nona tiko vinaka, ka me laveti cake kina na nona i tikotiko, ka me rawa ni taqomaki koya ena siga ni veika rarawa!

Maciu 5:28 "Ia Au sa tukuna vei kemudou, o ira kece ga era raica na yalewa ka qai domona, era sa dauveibutakoci oti e yalona.

Marika 4:19 "Na nodra rui kauwaitaka na veika vakavuravura nai yau e veivakacalai kei na nodra gadreva na veika tale eso, ka sa yaco kina me solegi na vosa, ka sa sega ni vuavuai rawa kina.

Marika 7:22 "Na butako, na kocokoco, nai tovo vakasisila, na veivakaisini, na garogaro ca, na mata i valavala ca, na dauvosavakacaca, na dokadoka, nai tovo lialia.

Luke 3:14 Vakatalega kina o ira na sotia ena nodra mai tarogi koya, ka vaka, "a cava me keimami na cakava?" A sa tukuna vei ira o koya, "dou kakua ni vakasaurarataka e dua mo dou beitaka ni o koya dina e cakava, ka dou lomavinaka ena i sau dou saumi tiko kina."

Luke 12:15 A sa tukuna o koya vei ira, "Dou yadrava ka qarauna na yalo e kocokoco, na levu ni i yau e tu vua e dua na tamata e sega ga ni solia

vua na bula dina."

Luke 16:14 O ira na farisi era dau lomana sara vakalevu nai lavo, ni ra sa rogoce na ka kecega oqo, a ra sa vakadredrevaki Koya.

Joni 8:44 "O ni sa nei tamamuni na tevoro, ka o ni sa cakava ga na veika sa gadreva o koya. Sa daulaba o koya mai na i vakatekivu ka sa sega ni tu ena dina baleta ni sa sega vua na dina. Ni sa tukuna o koya na lasu, sa vosa tiko o koya mai na nona i vurevure, ni sai koya na lasulasu ka sa tama ni lasulasu.

Cakacaka 20:33 Na yaloqu e sega ni bau kocova na siliva se na koula se dua nai sulu.

Roma 1:24-29 O koya oqo, na Kalou sa qai solia vei ira na yalo, me ra sega ni kila na vinaka kei na ca kei na nodra sa cakava ga na dodomo ca ni yalodra, me vaka na ka era sa vinakata, 25 Era veisautaka na dina ni Kalou mai na ka lasulasu, era cuva ka qarava na ka sa buli, ka sa sega ni o Koya na Dauveibuli, o Koya sa dodonu me vakalagilagi ka sega ni mudu. Emeni. 26 Oqori na vuna, sa solia ga kina vei ira na Kalou, me ra sa cakava na veika vakasisila me vaka nodra gagadre. O ira na kena yalewa era sa domona tale na yalewa ka sega ni tagane. 27 O ira talega na tagane era sa besetaka na yalewa, era sa qai domona tale na tagane, me ra sa veiwatini ga vakatagane, o koya oqo sa saumi kina vei ira nai sau dodonu ni nodra i valavala. 28 Ia kevaka me ra sega ni via vakarokorokotaka tikoga na Kalou, na Kalou ena solia vei ira na vakasama cala, me ra cakava kina na veibasai ni bula vakatamata. 29 Me ra vakasinaiti tu ena veika dukadukali, na veibutakoci, na yalo e ca, na kocokoco, na veivakacacani, dauvuvu, daulaba, dauveiqati, dauveivakaisini, dauvakanananutaka na ca, dau vosa kudrukudru lo,

Roma 6:12 O koya oqo, me kakua ni vakatulewa tiko ena yalomudou nai valavala ca, de qai tuberi kemudou ka liutaki kemudou na kena gagadre ca.

Roma 7:7 A cava meda na tukuna? Na vunau e i valavala ca? E sega sara! Au na sega ni kila nai valavala ca, ke sega ni'u kila na vunau, au na sega ni kila na daukocokoco kevaka me sega ni tukuna na vunau, "Kakua ni kocokoco".

Roma 13:9 Nai vakaro e tukuna, "Mo kakua ni veibutakoci," "Mo kakua ni bubului vakailasu," "Mo kakua ni kocova nai yau ni kai nomu," na veivakaro tale e so e umani vata ga ena vosa oqo, "Mo lomana na kai nomu me vaka o sa lomani iko."

Roma 13:14 Ia dou vakaisulu ena Turaga o Jisu Karisito, mo dou bulataka kina nai tovo dina ni tamata, me kakua kina ni rawai kemudou na gagadre ca ni yago.

1 Koronica 5:10,11 Au sega ni tukuni ira tiko na sega ni lotu ena i tovo ca oqo me vaka na daukocokoco, daubutako, dauveibutakoci kei na so tale,

ena sega ni rawa ni dou tiko vinaka e vuravura kevaka mo dou tiko vata kei ira oqo. 11 la oqo au sa volavola yani kina vei kemudou, mo dou kakua ni veitokani vakavoleka kei na dua na lewe ni lotu, e tu vua na bula vaka oqo, me vaka na dauyalewa, dautagane, daukocokoco, dauqaravi matakau, se dauveivakacacani, se daumateni, se daubutabutako – me kakua mada ga ni dou kana vata na tamata vaka oqo.

1 Koronica 6:9,10 Dou sega tiko beka ni kila o ira kece na sega ni yalododonu, era na sega ni rawata na matanitu ni Kalou? Dou kakua ni vakalialiai kemudou: O ira sa tiko vata ni se bera na vakawati, o ira na dauqaravi matakau, o ira na veibutakoci (dauyalewa, dautagane) o ira na veiwatini vakatagane kei na veiwatini vakayalewa, o ira na veilasami ga vakatagane, 10 O ira na daubutako, o ira na daukocokoco, o ira na daumateni kei ira na dau veivakasewasewani, o ira sa vaka oqo, era na sega ni rawata na matanitu ni Kalou.

1 Koronica 10:6 Na veika oqo sai vakaraitaki vei keda, meda kakua ni vakayacora nai valavala butobuto me vaka na ka era dau gadreva.

1 Koronica 12:31 la oqo, mo dou dui gadreva nai solisoli e uasivi sara. Au na vakaraitaka vei kemudou e dua ena vinaka cake na kena sala.

1 Koronica 14:39 O koya oqo, mo dou gadreva vakalevu mo dou parofisai, ia na vosa ni veivanua tani eso, mo dou kakua ni tarova.

2 Koronica 9:5 O koya oqo, au sa nanuma kina me ratou sa liu yani vei au o iratou oqo, me ratou sa na vakarautaka rawa nai solisoli loloma, dou sa kumuna rawa me vaka nomudou yalayala, vakarautaki tu ena yalo dina ni lomasoli ka sega ena vosakudrukudru kei na voraki.

Kalatia 5:16-20 Me'u tukuna vei kemudou: Mo dou lako voli ena Yalo Tabu, dou na sega ni cakava kina na gagadre ca ni tovo vakayago. 17 Nai tovo vakayago e sega ni veiriti kei na Yalo Tabu, kei na Yalo Tabu talega e sega ni veiriti kei na tovo vakayago; Oi rau oqo, e rau sega ni rawa me rau bula vata, ka sega kina ni rawa mo dou cakava na ka ga dou vinakata. 18 la kevaka sa tuberi kemudou tiko na Yalo Tabu, ena sega ni lewai kemudou na vunau. 19 Nai valavala ni tovo vakayago ena basika ga mai, me vaka na: Dauveibutakoci, dautagane kei na dauyalewa, nai valavala vakasisila, na daudara, 20 Na dauqaravi matakau, na dauvakadraunikau, na dauveicati, na dauveileti, na daulomaca, na daucudru katakata, na dau nanumi koya ga, na dauveivakalewai, na dauveitovaki,

Kalatia 5:24 O ira kece era sa nei Karisito era sa vakota tiko kina kauveilatai, na nodra gagadre ca ni tovo vakayago kei na kena veilasa ca kece sara.

Efeso 2:1-3 O koya sa vakabulai kemudou, ni dou a mate tu ena caka cala kei nai valavala ca. 2 Dou a dau bula tu ena i valavala vakavuravura e

liu, ena nona kaukauwa na turaga ni maliwa lala, na yalona sa cakacaka tiko ena loma ni tamata me talaidredre kina, 3 Oi keda talega eda sa bulataka tu nai tovo vakayago e liu, ena noda vakayacora, ka talairawarawa tu ga, ena gagadre ca ni noda i tovo vakayago, ka sa yaco kina vei keda na cudruvi, kei ira talega na lewe i vuravura.

Efeso 4:19 Na ka era cakava, era sa qai veitaliataki ira ena veika vakasisila kei na nodra domona, mera bulataka nai valavala vakabutobuto.

Efeso 4:22-27 Mo dou luvata tani, nai valavala ni tamata makawa kei na kena gagadre ca tauoko, e kauta mai vei kemudou na lutu sobu, 23 la mo dou vakavouia tiko na nomudou vakasama, 24 ka mo dou qai vakaisulu tiko me vaka na tamata vou ni Kalou, ena yalododonu kei na savasava. 25 O koya oqo, mo dou biuta tani na lasulasu, "Me dina na nomudou vosa vei ira na wekamudou," ni da sa dua ga na vuvale Oi keda. 26 "Kevaka dou sa cudru katakata, tauri kemudou vakamalua, de dou qai valavala ca kina." Me kakua ni sa laki dromu na matanisiga, mo dou se cudru tikoga, 27 Dou kakua ni vakarawarawataki kemudou vua na tevoro.

Efeso 5:3,5 Ia na dauyalewa kei na dautagane kei na ka kecega sa sega ni vakalou kei na kocokoco, me kakua ni cavuti ena kemudou maliwa, ni sa sega ni kilikili me vaka kina vei kemudou na tamata lotu; 5 Ka mo dou kila, e sega ni rawa vua e dua na tamata dauyalewa kei na dautagane, se dua na dauwakia vata se dua na daukocokoco, se dua na dau veibutakoci, me vakai votavota ena matanitu i Karisito kei na Kalou.

Kolosa 3:5 O koya oqo, mo dou vakamatea na veitikimudou sa vakavuravura tiko: A dauveibutakoci, nai valavala sega savasava, na garogaro, na garogaro ca, na daukocokoco na ka oqo sa tautauvata kei na qaravi matakau.

1 Cesalonaika 2:5 E sega vakadua ni keitou vunau me veimari se vunau me tawa kina neitou taga – na kena vakadinadina na Kalou.

1 Cesalonaika 4:3-7 Ni sai koya oqo na loma ni Kalou, mo dou savasava sara, ka kakua ni ia na gagadre ca ni tovo vakayago; 4 Sa dodonu mo dou kila vakayadua na noda maroroya na yagoda me savasava tiko ka me dokai, 5 Me kakua ni vakataki ira na matanitu tani era sega ni kila na Kalou, ena nodra veitaliataki ira ena gagadre ni yagodra; 6 Me kua ni dua me vakatautaukeni koya ena veika oqo ka la'ki vakaleqa kina na tacina, baleta na Turaga ena sauma vua, na veika oqo keitou sa tukuna oti vei kemudou. 7 Ni sa sega ni kacivi keda na Kalou meda dukadukali, ia meda sa savasava ga.

1 Timoci 3:3,8 Me kakua ni dau gunuva na waini kaukauwa, me kakua ni dau vakavuna na veisei, me kakua ni dau kocova nai lavo, ia me yalomatua, me kakua ni dau cudrucudru, me kakua talega ni dau kocokoco; 8 O ira na tuirara mera dau vakarokoroko, mera kakua ni dau

veivosayaki, mera kakua ni dau gunuva na waini kaukauwa, mera kakua ni dau kocova vakalevu nai lavo,

1 Timoci 6:9,10 **Ia o ira sa gadreva me ra vutuniyau, era na sikalutu ki na i cori ni veitemaki, ka lewe levu sa mai tamusuki koso kina na nodra bula ka sega ni qai lamata cake tale. 10 Ni sa waka tu ni veika ca kecega na lomana nai lavo, e so ena lomakocokoco ni lomadra era sa mai yali tani kina ena vakabauta, ka sa qai bikai ira tu na veilecayaki kei na nuiqawaqawa.**

2 Timoci 2:22 **Mo dro tani mai ena vei gagadre ca vakacauravou; segata na bula dodonu, na vakabauta na loloma, kei na veivinakati kei ira sa masuta na yaca ni Turaga ena yalosavasava.**

2 Timoci 3:2 **Ni o ira na tamata era na dau lomani ira ga vakalevu, era na lomana vakalevu na i lavo, era na tukutukuni ira, era na dokadoka, era na dauvosavakacaca, era na talaidredre vei ira nodra i tubutubu, era sega ni dau via vakavinavinaka, era na tamata dukadukali,**

2 Timoci 3:6 **O ira qo ena tu vei ira na doudou, mera curuma na nodra veivale na yalewa i valavala ca, ka veilasami vata kei ira.**

2 Timoci 4:3 **Ena yaco na gauna era na sega ni vosota rawa na taucoko ni vakavuvuli dodonu, ia era na murimuri lomadra, ni sa sega ni tiko vei ira na daliga e rogo kei na nodra sa bulia ga eso me nodra qasenivuli.**

Taitusi 2:12 **A sa vakavulici keda, meda biuta na i valavala sa sega ni vakalotu kei na gagadre ca vakavuravura, meda ia na i valavala vakayalomatua, ka yalododonu, ka vakalotu ena vuravura oqo.**

Taitusi 3:3 **Nida a lialia e liu oi keda talega, eda a dautalaidredre, eda a dauvakacalai, eda a dauvakayacora na gagadre ca kei na marau vakalalia, e da a dauloma ca ka vuvu, e da a bulataka na bula e vakasisila, e da sa dauveicati vakataki keda.**

Iperiu 13:5 **Me kua ni kocokoco na nomudou i valavala, mo dou yalovinaka ga ena veika sa tu vei kemudou. Ni sa tukuna oti o Koya, "Au na sega ni biuti kemudou se weletaki kemudou."**

Jemesa 1:14,15 **Sa dauveretaki na tamata yadua, ni sa vakaleqai koya ga na nona garogaro ca ka vu ni nona leqa. 15 Na garogaro ni sa kunekunetaki, sa vakasucuma nai valavala ca, ni sa tubu me taucoko nai valavala ca, sa kauta mai na mate.**

Jemesa 4:1-5 **Sa vu mai vei na veiba kei na veivala vei kemudou? Sa sega li ni vuna na nomudou gagadre ca, sa veivala e na veitiki ni yagomudou? 2 Dou sa daugagano ka sega ni rawata. Dou sa daulaba ka daukocokoco ka sega ni rawa ni dou taura. Dou veivala ka veiraravui. Sa sega ni dua na ka mo dou rawata ni sega ni dou duavata kina. 3 Dou kerekere ka sega ni soli vei kemudou ni dou sa kerea na ka ca, mo dou la'ki vakamarautaka kina na nomudou gagadre ca. 4 Oi kemudou na davyalewa kei na dautagane, dou sa sega beka ni kila ni sa cata na**

Kalou na veivinakati kei vuravura? Sa veimecaki kei na Kalou o koya sa via veiwekani kei vuravura. 5 Dou sa vakasama beka ni sa tukuna na i Vola Tabu, sa gadreva vakalevu sara na yalo sa tiko e lomada?

- 1 Pita 1:14 Me vaka na gone e talairawarawa, ka mo dou kakua ni lesu tale kina vei gagadre ca, dou a dau vakayacora e liu ni dou a se butobuto tu;**
- 1 Pita 2:11 Oi kemudou sa lomani, au sa vakamamasu vei kemudou oi kemudou sa nona na Kalou, mo dou maroroi kemudou mai na gagadre ca ni yago sa veimecaki kei na yalo,**
- 1 Pita 4:2-4 E sega ni mai bula tiko o koya e vuravura ena nona bula taucoko, me baleta na gagadre ca ka tu vei keda na tamata, ia ena vuku ga ni lewa ni Kalou. 3 Vei keda, eda a bula tu mai ena dua na gauna ena bula vakasisila ka tekivu sara mai vei ira noda qase – eda a dauvakacaca, dau gagadre ca, dau mateni, dau veivala, dau marau vakalalia, dau qarava na ka buli. 4 Na ka oqo, era vosavakacacataki kemudou kina, ni ra sega ni raica mo dou bulataka na bula era vakayacora tiko.**
- 2 Pita 1:4 Ka sa yalataki talega vei keda na veika e levu ka talei sara, ena noda na taukena na vei yau talei vakayalo mai lomalagi, ena vuku ni noda sa tawasei keda tani mai na vei gagadre ca vaka vuravura.**
- 2 Pita 2:3 Ena kocokoco ni nodra bula era na cavuta vakaukauwa vei kemudou na vosa ni veicavilaki; na nodra cakacaka ena veika era vakayacora, se bera ni bau vakavotukana me ra rawata e dua na ka ena vei gauna sa oti, na nodra vakarusai ena vakayacori ga.**
- 2 Pita 2:9-19 Na Kalou sa dau kila na sala mera na vakabulai kina o ira na tamata ni Kalou, mai na veivakacacani ni vuravura, ka tauri ira tale tu ga vakamalua nai valavala ca, me ra waraka tiko kina na siga ni nodra cudruvi. 10 Ka vakauasivi vei ira na bula lako ena gagadre ca ni yagodra, ka ra kitaka tu ga na ka sa dodonu vei ira. Era sega ni bau via rerevaka mera vosa vakacacataki ira na veiliutaki; 11 O ira mada ga na agilosi, e tu vei ira na kaukauwa vakaitamera mera cakava na ka era via cakava, io e sega, ni ra via dusia e dua ena mata ni Turaga ena nodra cala. 12 Ia o ira oqo, sa vaka na manumanu kila ni vakarau vakamatei, e ra vosataka tiko na ka ca ka sega tu ni kila na kenai balebale, io, era na mate ena nodra i tovo ca. 13 Era na taura nai sau ni sega yalododonu, ena nodra vakamarautaki ira ena veimarau ca. Era sa tauvi duka ka qeleqeleva mai na nodra vakacalai, era qai mai via veitokani vata kei kemudou. 14 Na matadra sa mata ga ni dauyalewa ka sega ni oti rawa nai valavala ca, era vakacalai ira na tamata sega ni kila ka. Na yalodra sa matau tu mai ena veivakaisini, e ra luve ni dauveivakarusai. 15 Era sa butusevata na sala dina ka lako cala, era sa muria nai valavala i Pelami na luvei Posori, ena nona domona me taura nai sau, mai vua e dua na tamata sega ni yalododonu. 16 Ia sa qai vunauci vakaukauwa ena nona**

cala: mai vua e dua na asa galu me vosa mai ena domo vakatamata, me dusimaka vua na parofita yallowai oqo na nona leqa. 17 Sai ira oqo na tobu wai sa maca tu, na o ka veivukayaki ena cagi kaukauwa, ni sa waraki ira tu na butobuto loaloa ka Sega ni mudu. 18 Era dau cavuta eso na vosa kamikamica ka tu e loma na gaga, ka ra daveirawai ena gagadre ni ka vakayago, vei ira era sa drovaka mai na i tovo ca, ka ra sa vinakata na bula. 19 Era sa qai yalataka tiko na sautu kei na galala, o ira mada ga era bobula tu ni veidabui ni sa vakatotogana na tamata na ka e vesuki kina.

2 Pita 3:3 Mo dou kila tiko: ni ra na lako mai na daveiveretaki ca ena i otioti ni gauna oqo, era na vakaivalavalatalaki ira ena nodra gagadre ca,

1 Joni 2:15-17 Dou kakua ni lomani vuravura, se na veika sa vaka vuravura, kevaka e dua e lomani vuravura, na loloma i tamada sa sega ni tiko vua. 16 Na veika kece etu e vuravura – na gagadre ca ni yago, na gagadre ca ni mata, kei na bula dokadoka – na ka oqo e sega ni mai vei tamada, ia sa mai vuravura ga. 17 O vuravura sa tekivu me yali tiko yani, kei na kena gagadre ca taucoko; ia o koya ga sa cakava na loma ni Kalou ena tudei me sega ni mudu.

Juta 1:11 Ena ca vei ira! Ni ra sa muria nai valavala i Keni, era kocova na i yau me vakataki Pelami, ka ra na mate me vaka na talaidredre nodra na luve i Kora.

Juta 1:15-19 "Me ia na veicudruvi vei ira kecega, ka me na lewai ira na sega ni lotu, ena nodra i valavala era vakayacora ka sega ni Vakalou, kei na veivosa ca kece era tukuna Vua, o ira era sa sega ni kila na Kalou." 16 Sai ira oqo na dauvosakudrukudru, ka dauvakaduiduile, ka dau muria na gagadre ca ni yagodra; kei na gusudra edau cavuta na veivosa veibeci lelevu, ka vakarokoroko veivakaisini vei ira na tamata, me ra veirawai kina. 17 Ia, oi kemudou, sa lomani, dou nanuma na vosa era cavuta nai apositolo ni noda Turaga o Jisu Karisito: 18 Ni ra sa tukuna vei kemudou, ni na so na daveivakasesewani ena i vakataotioti ni gauna oqo, era na dau vakaivalavalatalaki ira ena dodoma ca vakasisila. 19 Sai ira oqo na dau taleitaka na marau vakavuravura, ka era dau vakavu veisei, ka sa sega ni tu vei ira na Yalo Tabu.

Vakatakila 18:14 "Na vua ni kau sa gadreva na lomamu sa kau tani mai vei iko, na i yau talei kei na ka makuwaliliva sa yali tani mai vei iko, o na sega ni na qai kunea tale.